

# Trèffen ont bérkn en Bersntoler museum

*Le sezioni del Bersntoler museum ospitano, durante l'estate 2024, incontri e laboratori didattici che presentano le attività svolte un tempo e i lavori tradizionali.*


*Il Bersntoler museum è composto da diverse sedi, ognuna delle quali presenta al visitatore un aspetto, un momento della vita quotidiana e dei mestieri tradizionali nella nostra Valle.*

Abia òll jor, pet en summer tea' bider au de museen van Tol ont vòngon u' trèffen ont bérkn as zoang en de pasuacher de órbetn van doin jor.

Unter en nu'm "Bersntoler museum" vinn ber mearer sitzn za sechen as u'gaenek sa' en Bersntoler Kulturinstitut. S sa': der Filzerhof, de Mil, de Sog van Rindel ont de austell en Kulturinstitut. Óndra sitzn sai' u'gaenek en de Gamo'a va Palai (de Gruab va Hardimbl ont s Pèrgmandlhaus) ont en óndra omtn (De eiven ver en kupfer "Acqua fredda", de Archeologischen sitz van Montesei va Zerz, der Museo Pietra Viva ont de Museen van paunplinder ont van paracarre en Kaneitsch).

Doin jor der Filzerhof ist gaben oa'n van bichtestn heff van tol pet de sa'fn zboask ektarn va vèlt. Haitzegento, der museum za sechen hót an pau pet en haus ont der stöll ver de hausvicher. U'gaenek vinnt men de milchhitt. Dernem ist der górtin ont umanònder de bisn. Der hoff pet de paun umanònder ont der górtin, ist kaft kemmen en 1992 van Kulturinstitut Bersntol Lusern. De restaurierung, vour laischar 30 jor, ist a runt bichtega órbet gaben, as hot gem en de insern lait de meglechkait za sechen ont za learnen va enletern lait de órbetn abia as sa' a vòrt gatun kemmen: der schintldòch, der stöll, der pflöster, s haus ont ölls sell as ist gatun kemmen van insern hòntbérker. De struktur van haus ont de platz van zimmer innbende, sai' laischar glaich plim finz haizengento, asou za meing zoachen an guan paispil va original haus.

De bérkn as kemmen organisiert kan Filzer hoasn „Órbetn en hoff“ ont haier hom se se gahòlt as de



25 van heibeger ont as de 5 van agest.

De Sog van Rindel ist a venezianeta sog ont de ist kemmen ausgarichtet abia museum ver za zoang de órbet van holz, de sèll en bòlt ont s ma'n. De bérkn as kemmen organisiert ka de Sog hoasn „Sogmel“ ont haier sa' sa kemmen gamòcht as de 22 van heibeger ont as de 5 van agest.

De Mil en Oachlait, as geat petn bòsser, mittn en vèlt paut pet gatrosa, lòk sechen abia as s gatrosa en mel gaòrbetet kimmp. S bòsser mócht riarn de zennreider ont mócht gea' de milstoas as moln s mel. Abia èsszaig, ist a vòrt s gatrosa runt bichte gaben. Men hót roken, gerst, hober ts'a ont en platz pet mear sunn tirkensboaz ont boaz. Pet de gerst hót men kocht suppn, gamolt ist se prauht kemmen ver za móchen der kafè. S houber ist prauht kemmen ver za gem za èssn en de vicher.

En Bersntoler Kulturinstitut en Palai hót s turch s gònze jor an ausstell as de gschicht, as de sproch ont as de prach va de bersntoler gamoàschòft. Derzua, ist kemmen organisiert de ausstell "Klöffen, sprechen, parlare - Attraverso la lingua möchena Durchs Bersntolerische" as stellt vour en de lait, pet dokument, kuntschòftn ont letrattin, de bichtestn temen as kearn um en de sproch.

Abia tsòck, no en de sitzn van Bersntoler Museum hót s óndra museen as u'gaenek sa' en óndra omtn. De Gruab va Hardimbl, va de Gamo'a va Palai, ist kemmen gaòrbetet van jor 1500 finz en de jarder van 800. Innbende mu men nou schea' sechen de órbet as ist kemmen gamòcht en de jorhundertn, va bos ont abia as s ist kemmen arausagrom. En de Gruab sai' vorstellt plinder, mineraln ont óndra söchen as

trong s gadenk en óndra zaitn, a toal asou vèrr, ont a toal glaimer en de zait va hait. S ist pesser u'meln se vroua, gamiast ver gruppva vil lait ont de naiket va haier ist as men mu se u'meln en internet aa, as de sait umpsalai.it.

Dòra hót s s Pèrkmandlhaus as lòk sechen as an modernen ont éckstregen vurm der tema van gruam ont van knòppn van Tol.

De eiven ver en kupfer "Acqua Fredda" zbischn Panait ont s Bersntol, sai' a gònza rai va eiven as sai' kemmen prauht en de zait van Bronzo (XIII-XI a.C.) ver za lòng zergea' de mineraln as hom drinn gahòp s kupfer. Semm aa kemmen organisiert va de Provinz bérkn ont trèffen ver de lait.

Hait nomitto, va um drai, bart se hòltn „Esplorare ad Acqua fredda: archeologia e natura“ as ist a bérk tsbunnen ver familie pet kinder va 5 jor finz as 11 jor. As de 16 van agest kimmep organisiert "Van holz en metal" pet en pasuach en Bersntoler museum ont en Spèrkmandlhaus ont dòra za vuas de toalnemmer barn aribarn finz as de Acqua fredda.

Der leiste trèff bart se hòltn as de 23 van agst ont ist an trèff va teater ver familie pet Nicola Sordo.

Der Archeologischen sitz van Montesei va Zerz ist an plòtz bo as men hót pfunt vil plindern ont zoachn va de gschicht abia de fondamenten van a haus "retica" as ist van 400 jor vour en Gotterhear. As en sitz s hót informativen tovln gamòcht van Dinst van Piacher, Arkiv ont Architettonischer Pahalter va de Autonome Provinz va Trea't.

Der Museo Pietra Viva en Schandurschl ist zan mearestn gamòcht as de geologi ont as de órbet van gruam en Tol.

Der Museum van paunplinder en Kaneitsch lòk sechen abia as ist gaben de paunòrbet ont de hòntbérkörbet van zentrum van lònt va Kaneitscho ont der sell van paracarro ist an museum gamòcht pet a vourtschbinn van an privat as stellt vour en de lait knottn as va vil saitn kemmen.

LORENZA GROFF

## Der praisaustoal van Konkurs 3X1

Oa'n van ziln van Bersntoler Kulturinstitut ist za órbetet ver za derhòlt as za gem bérkn en de kultur, en de prach ont en de sproch va de inser gamoàschòft. A mittl ver za baitern aus der prauht van bersntolerisch ist der konkurs „3x1: Drai konkursn ver a sproch“.

En vraita as de 26 van heibeger en gamoàsol va Vlarotz hót se gahòlt der praisaustoal va de leiste edizion van konkurs as kimmep abia ólbe organisiert van Bersntoler Kulturinstitut zòmm pet de unterstütz va de Region Trentino Sudtirol. Der konkurs ist gamòcht va mearer toaln as sa': „Schualer ont student“, „Filmer“ ont „Schrift“.

„Schualer ont student“ ist an konkurs ver jungen as belln veròrbetn an untersuach as an tema as keart um en de sprochminderheitn ont en de temen va de autonomi, va de kultur ont va de sproch oder va de bétla va hait. Der konkurs ist toalt en mearer kategorin: „Schualer“ -as kemmen toalt en zboa: schualer va de earste- ont schauler va de zboateschal- ont „Studentn“ - as sa' aa toalt en schuler finz en de 17 jor ont studentn pet mear va 17 jor.

„Filmer“ ist an konkurs ver kurza filmen



en bersntolerisch. De temen de gschicht, de prach, de kultur ont de umbèlt va de bersntoler gamoàschòft, ont/oder va de sa' lòntschiòft.

Der dritte konkurs ist der „Schrift“ as ist

an konkurs va gschichtn ont va poesie. Der konkurs ist tsbunnen ver lait as hom hom schoa' gamòcht de 18 jor.

Der tema as hòltet zòmm de drai konkursn ist de sproch, de inser sproch,

as mias prauht kemmen en òlla de órbet paroatn van toalnemmer. En de doi edizion, ver en „Schualer ont Student“, goldschualer sa' gaben de viarte ont de vinfte klasse va de Earsteschual va

Vlarotz pet de órbet *An èckstregen to. Silberschualer*, de earsteklasse pet de órbet *Le Bregostane*, de zboate klasse pet *En bòlt* ont Margareth Toller Ruiu pet *I ont Primavera - Faschingsfeier in Palai*. Kupferschualer ist gaben de dritte klasse va de schual va Vlarotz pet de órbet *Graustana va Kisereck*.

De doi ist gaben de oàdlelfte edizion van konkurs *Schrift*. En de sezion prosa, de órbet *An èckstregen kòtz* va Paola Petri Anderle ist Silberveder gaben. En de sezion poesia, zboa Goldveder: Sara Toller pet *Der burm as hót ólbe gabrumpt* ont Barbara Toller pet *Der Tònz*. Toalnemprais en Elisa Dellai pet *Kanzandl va jorzaït*.

Ver en konkurs *Filmer*, Earste kurafilmprais en film *Schoa' zehn jor* va Elisa Pompermaier.

De órbet van konkurs *Filmer* ont *Schrift* sai' kemmen galeik as de internet sait van Bersntoler Kulturinstitut as de adress www.bersntol.it.

LORENZA GROFF



Bersntoler Kulturinstitut  
Istituto Culturale Mòcheno

## AUTORN KAN FILZERHOF

Museo Filzerhof  
Fierozzo/Vlarotz  
h. 20.30




“Autorn kan Filzerhof” ist a rai va trèffen pet autorn va piacher as hòlt as kan Filzerhof en Vlarotz. Derèckt van stimm van autorn, kemmen voorstellt en de lait piacher as klòffn va de inser gamoàschòft ont van óndra lokala gamoàschòftn. Der earste trèff hòt se gahòlt as de 30 van heibeger. De autoren Antonella Mott, pakónnta untersuacheren ont entnografen, hòt voorstellt der Atlante etnografico del paesaggio trentino. Der zbaite trèff ist gaben as de 6 van agest pet Alessandra Sebastiani as hòt klòfft van

sai' roman Salvanel. Bail en trèff Marco Amr Petracco hòt galesn kurza téckstn van puach. De boch as kimmep, as de 13 van agest, der autor Paolo Cova bart voorstelln en de lait s sai' puach Dominik il cròmero, as klòfft van krumer van tol. Ólla de trèffen hòt se gahòlt as de 30 van heibeger. Abia museum ist er offset kemmen 1998. Der toalnem en trèffen ist vrai ont òlla sai' gearn inngalont!

## TREC+, MEAR MOGLECHKAITN VER DE APP ONT VER DE PORTAL

Naiékaitn ver de mobil plinder van earste to van agest en de app store Android ont iOS



Der sistem TreC+ verniert de sai'na prach ver za gem en de lait mear moglechkaitn ont laichtern der vurm za prauhen de dinstn on-line. En pfinsta der earste to van agest ist kemmen ausgem de nai version va de applikazion ont van portal TreC+ pet naia prach as kearn de moglechkaitn za zoln de dinstn direkt durch de app, za auvòssn de vourtschbinn van tsunthaitstrukturn as sai' aus va de provinz va Trea't, za meing kriang de nochricht as de vourtschbinn ist paroatet ont de moglechkait za verstecken za va de aigene lista ibér òlla de glaichsicherhakait. [Druckomt PAT, ibersetzt gamòcht van Sprochtirr va de Tolgamoàschòft Hoa Valzegu' ont Bersntol].